

Filemón

San Pablone Filemóna Pínkìh Para

Filemónne Colosas pípulura uz kit sun iglesiara wanmak kit San Pablowa izmumika namta. Kwíztane alíztuzne Pablora Roma pípulura míl kit kajchira sípninta. Pablo kajchira síptittuasmin, Pablo Dios Watsal Pit kamtarasmin, Onésimone Cristora níjkul kit Cristora sap kit Cristo kanpammika namta. Ñamin Onésimone Filemónpa kiwainmumika azi. Mane Pablone Filemóna an pínkìh pam kit an pínkìh Onésimokasa inintu, Filemón ussa mamasa watsal sapnapa, Cristora piankamtít akwa. Pablone Filemóna akwantu, Onésimora aliz kulmanpa, Pablo ussa, aimpíhshkanain, pashimtu akwa.

Pablone sun pínkìh pamtu, Filemóntakas Onésimorakas panashimtu akwa, Cristo wan awaruzá pashinamtukana.

Kakishapu

1 Nane Pablo mun ish. Kajchira was, na Jesucristora pian akwa. Nane au añá Timoteokasa an pínkìh nua, Filemóna, pamtus, nu aukasa Diospa kal kimtu akwa, nu Jesucristowa kamtamtu akwa. 2 Na au kwampíhsh Apiarakas “kakishapu” kíztus. Arquíporakas, au kiwainmumikarakas, “kakishapu” kíztus. Up yalta Jesúsata piantuz wanmakmuruzakas “kakishapu” kiznamtus. 3 Nane u akwa Diosta paikumtus, au Anpat Jesucristo uruza wat kiwainanapa, u kalpain uzanapa.

Filemóne níjkul kit wat kirit

4 Nuwa mintuasmin, pialta payukima nane Diosta paikwat kit nu akwa aishtaish kíztus. 5 Nane miza nu uztu mírau. Nune Diosta piantuza pashinanat kit Jesucristora níjkultu. 6 Nane Diosta paikumtus, Dios nua kiwainnapa, nu níjkultu aizpa maztuza kainananapa, Jesucristo chiwazha nua mílamtu aizpa

piankamnapa. 7 Ap aña mizha. Aune kwisha wat namaritmakpas, nu aumiza pashinamtu akwa, nu Diosta nijkulturuzza kiwainamtu akwa.

Pablone Onésimo akwa Filemóna akumtu

8 Katmizna na paikumtu aizpa mizha. Cristo nawa inintamika namnintakas, nane nua ininmanash, na pashit aizpa kinpa. 9 Na nua pashimtu akwa, nane nua chiwazha paikwanash. Nune nawa pian. Nane Pablo mun ish. Na ilapa paritkas, nane Dios inintamika ish. Mane kajchira siptitmika ish, Jesucristowa pit paranara akwa. 10 Sun akwa, nane Onésimo akwa nua akumtus, nu ussa wat kulnapa. Kajchira nakasa siptit wasmin, usne Cristora nijkul kit ap painkulkana namta.

11 Us nukis itchasmin, Onésimone up kiwainmumika azi. Nua wat kiwaintachikas, mane usne nuakas nawakas kiwainshina. 12 Nane Onésimora nua inintus, nu ussa sapanapa. Ussa ap pashimtu painkulkana sapti. 13 Nane Onésimo nakasa nukkulnana pashiras, nawa kiwainnana. Nane kajchira siptit ish, na Dios watsal pit kwinta kit akwa. Na kajchira siptit wasmin, usne nawa kiwainshina, nu asachi akwa. 14 Us nakasa nukkulnana pashimtukas, nane ussa nukkulnintachish, makima nu ussa nukkulnana ininnarachi akwa. Nawa wat kishitne, nune Onésimora ininshina.

15 Us nukis akkwan payu chinkimain irit, Cristora piankamnana, nukin kail kit nukkulnana. 16 Kailtuasmin, Onésimone, up kiwainmumikane, nukin kailtu. Usne an wat kiwainmumika namtit, ma Cristora piankamtit akwa. Usne up añakana i. Nane ussa pashimtus. Nukas ussa an pashitpa, uskas nukas au sunmin Anpatta nijkulamtu akwa.

17 ¿Na up izmumika kish? Watcha, nane up izmumika ish. Aune Cristora nijkul kit Diospa kal sulmin kal kimtumakpas. Katmizna nu nawa saptukana ussa sapti. 18 Us nua kwail kitne, us nua pui aizpa mijne, nane nua tanash. 19 Nane ap chihtikasa an pinkih nua pat kit us akwa chiwazha nu we aizpa tana namtus. Na nua Cristowa kamtat kit nua akkwan kiwaintau nijkulti. Nukas nawa pui aizpa mij. Katmizna nune ussa wat kultawa. 20 Ap aña, mizha. Nukas nakas au Anpatta nijkulamtu akwa, na paikumtu aizpa kitpa. Nu na paikumtu aizpa kitne, nane wat kulnash, nu Dios pashit aizpa kimtu akwa.

21 Na nua pamtuasmin, nane nu na paikumtu aizpa kinazi pianish. Watcha, nune an akkwan kinazi, nu Cristo pashit aizpa kishimtu akwa. 22 Ma pitchin nua paikumtus, na nukin ishimtu akwa. Katmizna Diosta akwari, Dios nawa kiwainnapa, nu tukin inpa. Na nu tukin pianakane, up yal nammilanka.

Pablone minpa pit kaiztu

23 Epafrasne nua “kakishapu” kiztu. Jesucristora pian akwa, usne nakas kajchira siptit wazi. 24 Marcoskas Aristarcokas Demaskas Lucaskas nawa kiwainat kit nakasa Dios watsal pit kainanara. Uspane nua “kakishapu” kizamtu.

25 Nane au Anpat Jesucristora paikumtus, nua wat kiwainapa.

Pailti.